



Broj: 03-50-1-141-10/09
Sarajevo, 18.2.2010. godine

Z A P I S N I K
10. sjednice Vijeća nacionalnih manjina Bosne i Hercegovine
održane 29.12.2009. godine

Sjednica je počela u 10,30 sati.

Sjednicom je predsjedavao Nedžad Jusić, predsjedavajući Vijeća.

Sjednici su prisustvovali: Vasilija Ibrahimagić, Jovanka Manzalović Šalaka, Iren Milojević, Halil Bicaj, Tihomir Knežiček, Hidajeta Redžić Darko Kovč, Andrija Svatok i Varan Hakan.

Opravdano su odsustvovali: Marija Grbić i Jakob Finci.

Predsjedavajući Vijeća Nedžad Jusić, nakon što je pozdravio prisutne, predložio je sljedeći

DNEVNI RED

1. Razmatranja i usvajanje Izvjestaja o monitoringu Akcionog plana o obrazovnim potrebama Roma i ostalih nacionalnih manjina;
2. Razmatranje i usvajanje plana rada za 2010.godinu;
3. Razno.

Vijeće nacionalnih manjina BiH jednoglasno je usvojilo predloženi dnevni red.

Ad. 1. Razmatranja i usvajanje Izvjestaja o monitoringu Akcionog plana o obrazovnim potrebama Roma i ostalih nacionalnih manjina

Predsjedavajući Vijeća Nedžad Jusić, zahvalio je prof. Tihomiru Knežičeku na uloženom trudu na izradi ovako kvalitetnog izvještaja, te stavio isti na razmatranje.

U raspravi o predloženom Izvještaju učestvovali su: Nedžad Jusić, Tihomir Knežiček, Iren Milojević, Halil Bicaj, Andrija Svatok, Jovanka Manzalović šalaka, Hidajeta Redžić i Darko Kovč.

Nakon rasprave usvojeni su sljedeći zaključci:

1. Uputiti dopis Ministarstvu za ljudska prava i izbjeglice BiH, zašto Vijeće nacionalnih manjina nije bilo uključeno u proces revizije Akcionog plana;
2. Monitoring akcionog plana je pokazao da se Akcioni plan u BiH realizuje bez značajnih rezultata, da je potrebna revizija plana i intenziviranje realizacije ciljeva predviđenih Akcionim planom;
3. Monitoring je pokazao nezrelost i nezainteresovanost nadležnih institucija u BiH da doprinesu rješavanju problema pripadnika nacionalnih manjina;
4. Vijeće nacionalnih manjina predlaže Parlamentarnoj skupštini BiH da pismenim putem upozori nadležne institucije da rade na realizaciji ciljeva iz Akcionog plana, kako bi Bosna i Hercegovina što kvalitetnije odgovorila na obaveze koje je preuzela potpisivanjem Konvencije o pravima nacionalnih manjina Europske unije;
5. Parlamentarna skupština BiH treba da upozori institucije nadležne za pitanja nacionalnih manjina u BiH da rješavaju pitanja ne samo romske nacionalne manjine, nego i ostalih nacionalnih manjina u BiH;
6. Parlamentarna skupština BiH treba da upozori institucije nadležne za pitanja nacionalnih manjina u BiH da počnu aktivnije voditi registar djece, pripadnika nacionalnih manjina, u osnovnim i srednjim školama;
7. Parlamentarna skupština BiH treba da naloži Ministarstvu za ljudska prava i izbjeglice da u svim aktivnostima koje sprovodi po pitanju nacionalnih manjina bude u neposrednoj saradnji sa Vijećem nacionalnih manjina BiH.

Ad. 2. Razmatranje i usvajanje plana rada za 2010.godinu

Predsjedavajući Nedžad Jusić u uvodnoj riječi predložio je da se plan rada za 2010. godinu usmjeri na sljedeće aktivnosti:

I Aktivno učešće Vijeća nacionalnih manjina BiH oko izmjena Ustava BiH i Izbornog zakona BiH;

II Praćenje Općih izbora u smislu učešća nacionalnih manjina u izbornom procesu;

III Praćenje i monitoring akcionih planova za nacionalne manjine u BiH;

IV Uspostavljanje saradnje Vijeća nacionalnih manjina BiH sa nadležnim institucijama za prava nacionalnih manjina izvan BiH.

U raspravi o ovoj tački dnevnog reda učestvovali su: Nedžad Jusić, Darko Kovč, Andrija Svatok, Hidajeta Redžić, Varan Hakan i Jovanka Manžalović Šalaka.

Nakon rasprave usvojeni su sljedeći zaključci:

1. Formirati koordinaciono tijelo koje će prati aktivnosti oko izmjena Ustava i Izbornog zakona i pratiti izbore;
2. Uputiti zahtjev Intereresornoj radnoj grupi za izmjene Izbrnog zakona oko angažovanja eksperata koji će biti uključeni u procese izmjena Ustava i Izbornog zakona;
3. Uputiti isti zahtjev i Ustavnopravnim komisijama Parlamentarne skupštine BiH;
4. Kontaktirati eksperte koji bi prihvatili navedeni angažman ispred Vijeća nacionalnih manjina BiH i to prvo Vehida Šehića, pa onda Neđu Miličevića, Ćazima Sadikovića, Petra Kunića i Jakoba Fincija.

AD. 3. Razno

- a) Vijeće nacionalnih manjina Bosne i Hercegovine, podržava i iskazuje zahvalnost Jakobu Finciju, članu Vijeća i Dervi Sejdiću, na podnesenim prijavama Evropskom sudu za ljudska prava u Strasborgu, žaleći se da su kao pripadnici nacionalnih manjina u BiH diskriminirani u uživanju pasivnog biračkog prava, koje je zagarantovano Evropskom konvencijom o ljudskim pravima;
- b) Vijeće nacionalnih manjina BiH, će delegirati stručnjaka u radu Ustavnopravnih komisija Parlamentarne skupštine BiH i Intererosrne radne grupe za pripremu Prijedloga zakona o izmjenama i dopunama Izbornog zakona BiH, kako bi prije zakazivanja izbora planiranih za oktobar 2010. godine, bio usaglašen Ustav i Izborni zakon sa presudom Evropskog suda za ljudska prava i time konačno Ustav doveden u sklad sa Evropskom konvencijom o ljudskim pravima, pogotovo Protokol 12 Konvencije, kojem je BiH pristupila 2005.godine;
- c) Uspostaviti saradnju sa Vijećima nacionalnih manjina F BiH i RS.

Sjednica Vijeća je završena u 13,15 sati.

**Predsjedavajući Vijeća
Nedžad Jusić**